

4

DISPVATIO JVRIDICA  
DE  
IVRE REPRESSALIARVM  
INTER  
PRINCIPES IMPERII

---

Vom Rechte der Repressalien  
und der Wiedervergeltung so unter des Heil.  
Röm. Reichs Fürsten erlaubet ist.

---

P R A E S I D E

JO. BALTHAS WERNHERO, D:

SAC. REG. MAI. POLONIARVM ET ELECTORI SAXON.

A. CONSILII AVLAE ET IVSTITIAE, CODICIS  
PROF. PVBL.

CVRIAE PROVINCIALIS, CONSISTORII ECCLESIASTICI,  
SCABINATVS ET FACVLTATIS JVRIDICAE ASSESSORE

D. XIV. MARTII MDCCXV

IN AVDITORIO MAIORI

H. L. Q. G.

PRO CONSEQUENDISVMNIS INVITROQUE  
JURE HONORIBVS

ET  
PRIVILEGIIS DOCTORALIBVS

DISPVTABIT

IOHANNES GEORGIUS CONRADI

CVRIAE PROVINCIALIS ET CONSISTORII ECCLES. ADVOC. ORD.

---

VITEMBERGAE, RECUSA MDCCXLVIII.





# SVMMA DISSERTATIONIS.

- §. I. Introitus.*
- §. II. Definitio nominalis & realis, nec non divisio repressaliarum.*
- §. III. Grotii sententia de fundamento repressaliarum, quae illustratur ex Jure Civ.*
- §. IV. Genuinum illarum fundamentum ex Jure Naturali repetitur, & inter reatum in foro Divino & humano distinguitur.*
- §. V. Quod plenius demonstratur, & ad contraria respondetur; sigillatimque ostenditur, in repressaliis non de alieno, sed proprio facto, agi.*
- §. VI. Expenditur sententia Ziegleri, & belli atque repressaliarum iustitiam ex eodem fonte manare, demonstratur.*
- §. VII. Rationes probabiles, quae usum Repressaliarum suadent.*
- §. VIII. Usus Repressaliarum inter Gentes.*
- §. IX. Jus repressalias exercendi Principibus Imperii vi superioritatis territorialis competit. Ab aliis Civitatibus ad Remp. Rom. Germanicam argumentum duci non posse, ostenditur.*
- §. X. Diluitur dubium, ex eo, quod ordinaria juris remedia in Imperio suppetant, petitum.*
- §. XI. Ulterior sententiae probatio ex difficultatibus, quae ordinariam juris persecutionem comitantur.*
- §. XII. Repressalias ab antiquissimis temporibus apud Germanos in usu fuisse, probatur.*
- §. XIII. Usum hunc confirmant textus Jur. Civ. & Canon.*

- §. XIV. Notatur Rhetius, & regula ab eo tradita limitatur.*
- §. XV. Respondetur ad Leges Imperii, quae obflare videntur.*
- §. XVI. Constitutionem Pacis Publ. Juri repressaliarum nihil obflare, evincitur.*
- §. XVII. Solvitur dubium, ex Instrumento Pacis petitem.*
- §. XVIII. Repressaliae non debent decerni, nisi ejus, qui laesus est, jus liquidum sit, & laesio alicujus momenti.*
- §. XIX. Constare etiam debet, justitiam civi denegatam esse; Ubi tamen non praecise probatio per testes vel documenta requiritur; sed aliquando conjecturae sufficiunt.*
- §. XX. Quibus repressaliae concedi debeant. An & Civibus assumtis, item Incolis, & Judaeis? Quid de peregrinis dicendum?*
- §. XXI. Objectum repressaliarum; Ubi primo de personis.*
- §. XXII. Deinde de bonis agitur.*
- §. XXIII. Quis modus in repressaliis exercendis servari debeat.*
- §. XXIV. Repressaliae in proprios vasallos recte exercentur, quoties simul vasallagii jure illi Reip. quae laesionem intulit, obstructi, adeoque illius quoque cives & subditi sunt.*
- §. XXV. Finis repressaliarum exponitur.*
- §. XXVI. Qui per repressalias laesus est, regressum contra Civitatem suam habet.*

\*



DE  
IVRE REPRESSALIARVM  
INTER  
PRINCIPES IMPERII.

§. I.



ervulgatum est de Repressaliis  
argumentum, in quo magna  
pars interpretum, Juris Gen-  
tium æque, ac Civilis, elabo-  
rarunt. Quo magis mirum  
videri potest, illorum aliquos ne tangere qui-  
dem earum in Imperio Rom. Germ. usum,  
caeteros pene omnes paucissima de illo tra-  
dere, & plerosque id agere, ut hoc tam in-  
signe jus, quod cum Superioritate Territoriali

A 3

cohae-

cohaeret, Principibus omnino detrahant. Fons atque origo erroris est, quod vulgo sibi Germaniam perinde, ut alias Civitates, concipiunt, ubi Civibus non alia, quam judiciali via, injuriam acceptam ulcisci permittitur; adeo, ut qui ipse sibi jus dicit, & rem propria autoritate alteri aufert, juris sui amissione coerceri, aut aliis poenis subjici soleat. Sed luculenter, spero, in subsequens ostendam, incongruam hujusmodi comparisonem esse, nec indolem Imperii pati, ut ejus statum ad regulas politicas aliarum Rerump. metiamur & æstimemus. Illud etiam, quoad fieri potest, ad liquidum perducam, remedium hoc, utut violentum, nec nisi extra ordinem adhibendum, summa æquitate niti, & factum, propter quod adhibetur, non alienum esse, sed revera illius, qui incommodum inde sentit, proprium intelligi. Gravitas argumenti, ejusdemque subinde recurrentis usus efficit, ut operam non inutilem fore putem, quam in eo plenius excutiendo, atque ad fontes suos, et prima fundamenta revocando consumam. Ita vero in eo explicando versari animum induxi, ut primo Justitiam & æquitatem Repressaliarum ostendam,

dam , deinde , quod caput rei est , illas inter Imperii Principes licitas esse , demonstrem , denique earum requisita strictim subjiciam.

§. II.

Manifestum iuitio est , sermonem hic nobis esse de illo Repressaliarum genere , quibus ob denegatam vel diu protractam iustitiam subditorum alterius personæ aut bona capiuntur (a). In latiori significato accipit *Gail. Obs. 1. n. 3. (b)*. De origine vocis solliciti haud sumus , quam ali-

(a) Plenior *repressaliarum* definitionem exhibet *Struvius Synt. Jur. Civ. Ex. 9. tit. 8.* ubi eas describit per *Remedium* , quo ob denegatam aut protractam iustitiam a Magistratu alterius Reip. sive territorii , in re non modica & causa liquida , nisi Magistratus ab ipso , imploratus , si ejus precedens monitum negligat alter Magistratus , desinet , accedente Superioris consensu , istius loci civem quemlibet , sive res , qua forte sub nisi Magistratu reperiuntur , usque dum lesio altero Magistratu satisfiat.

(b) Qua ratione etiam retorsiones & arresta completur ; Differentias inter repressalias & pignorationes exponit *Schüz. Colleg. Jur. Publ. Vol. II. Ex. §. 2. tit. a Henr. Arn. a Landsberg. Diss. d. Repressal. membr. V.*

aliqui ab Italis (c), alii a Gallis (d) repetunt, rursus quidam in ipso Latio (e) ejusdem natales quærunt. Græcis dicitur Ενεχυριασμός (f). Cæterum rectius scribi *repressalias*, quam *repressalias*, quod prior locutio ivoci Saxonicae *Wisthernamii* exacte respondeat, *Grotius* monet. Dividi solent a quibusdam repressaliæ in personales, reales, & mixtas, nec non in generales & speciales. (g)

§. III.

- (c) Apud quos *prendere* idem est, accaperre, & *riprese* reciprocam capturam notat; & ipsam vocem *ripreseglia*, vel contrahe *preseglia*, apud Italos in usu esse constat. Vid. *Matib. Cramer. Dictionar. Reale Ital. Tedesco.*
- (d) Nam vocabula Gallica *reprendre*, *reprise* ejusdem significationis sunt.
- (e) Sed nec inter hos omnino convenit; Alii enim a *reprimendo*, alii a *representando*, quod alter alterius personam sustineat, rursus alii a *reprehendendo* vocis originem repetunt, *Calvin. Lex. Jurid. verb. Repressal.* Vocem hanc latinam haud esse, docet *Vossius d. Vit. Serm. 3. c. 42.*
- (f) Quamvis hæc vox non universam Repressaliarum latitudinem exhaustire, sed unam solum ejus speciem complecti videatur, cui opponitur altera species, quæ ἀνδροληψία audit.
- (g) Vid. *Schbveder. Introd. Pur. Publ. P. Spec. Sect. 2. c. 14. §. 10.*



§. III.

Nunc de justitia Repressaliarum in genere, sed paucis, & quantum instituto nostro sufficiat, tradendum erit. *Hugo Grotius*, Scriptorum Juris Naturalis & Gentium facile Princeps, *Tr. d. J. B. & P. L. 3. c. 2. §. 5.* jus hoc non quidem natura introductum, sed tamen Jure Gentium (b) passim invaluisse, contendit; Ad quam opinionem firmandam facit, quod vero Jure Naturæ ex facto alterius nemo teneatur, adeo ut ne heres quidem, qui in omnia defuncti jura succedit, ejusdemque personam repræsentat ex delicto, quod ille admisit, aliquam obligationem contrahat, qua ab pœnas alieni criminis luendas devinciatur (1). Ne-

B que

(b) H. jusmodi jus Gentium positivum, Naturali & Civili plurium Populorum, contradistinctum proprie non datur, sed figmentum Doctorum est. *Pufendorff. d. Jur. Nat. & G. L. 2. c. 3. §. 23.* Cum enim gentes æquales sint, nec alteri in alterum imperium comperat, jus sibi præscribere non valent, sed quicquid inter eas communiter receptum, vim suam a mutua conventionione, saltem tacita, habet. *Idem Element. Jurisprud. L. 1. d. 12. §. 23.*

(1) Omnis enim pœna vel emendationem ejus, qui deliquit, vel utilitatem & tranquillitatem Reip. pro fine

que ab hoc principio Jus Civile divertit, quod negat, ex defuncti delicto heredem conveniri posse, nisi vel apud ipsum turpe lucrum existat, quod eidem extorqueri mereatur, vel is, qui deliquit, post litem contestatam decesserit (k). Quæ regula non tantum inter privatos valet, sed & respectu Vniversitatum sibi locum vindicat. Quo referendum est, quod in *L. 7. §. 1. ff. quod cuj. Vnivers. nom.* dicitur, singulos non debere, quod Vniversitas debet; propterea quod membra Vniversitatis, & ipsa Vniversitas,

fine habere debet. Atqui heres, qui nihil peccavit, emendari nequit, nec aliquod inde commodum ad salutem Reip. redundat. Quod posterius, quum in crimine perduellionis secus sit, non injusta censeri potest legum dispositio, qua filii reorum, in quibus paterni sceleris vitiigia, & vindictæ cupiditas, non citra causam metuuntur, infames, omniumque successionum incapaces esse jubentur, *A. B. tit. 24. Add. L. 5. §. 1. Ad L. Jul. Maj.*

- (k) *L. un. C. Ex del. def. in quant. hered. conv. Add. tit. C. ne fil. pro patr. & tit. C. ne ux. pro mar.*
- (l) His præcipue rationibus moti contra justitiam & æquitatem Repressaliarum sentiunt, *Ant. Perez. ad. t. C. ut null. ex Vican. Bachov. ad Treutl. Disp. d. Pignor. tb. 5. tit. G. Coler. d. Proc. Exec. l. 1. c. 2. n. 324. seqq. Ven.*

fitas, tanquam personæ moraliter distinctæ, considerari debeant (l).

§. IV.

Sedenimvero altius, & ex ipsa Lege Naturali, (m), uris Repressaliarum originem & fundamentum repeti debere, puto; ut intelligamus, non iniquum hoc remedium esse, ut vulgo clamant, sed vel maxime legibus justitiæ & æquitatis niti. Vbi id quidem certum expeditumque est, si civitas, vel ejus Caput, justitiam petenti

B 2

dene-

*Ventura de Valentiis in Parsben. litig. L. 2. c. 2. n. 30. seq. & alii complures, quos recensere nihil attinet.*

(m) Consentit Ziegler, *d. Jur. Maj. L. 1. c. 34. §. 7.* nempe cum ipso humano genere etiam ante gentes, hoc jus cœpisse, & hinc apud omnes gentes, quod eadem communi ratiocinatione utantur, obtinere. Quod vero idem Zieglerus *c. l.* contendit, ad Gentium jus referri non posse repressalias ab iis, qui ab Atheniensibus aut Romanis originem earum deducunt, non usque quaque admittendum puto. Primo enim inde haud consequitur, gentes reliquas Atheniensem aut Romanorum imitatione repressalias re episse, deinde nihil impedit, illud, quod imitatione Genſis alterius receptum est, juris Gentium esse; Nam & in iis, quæ communis Gentium utilitas suader, & exigit, fieri non potest, quin ab uno altero populo initium fiat.

deneget, vel male eandem administret, in foro Divino peccati illius reatum haudquaquam transire ad eos cives, qui, ut hoc admitteretur, nullo facto suo vel culpa effecerunt, & positive nihil ad illud contulerunt. Sed ut hujusmodi factum in vita Civili, quoad effectus & incommoda inde resultantia, singulis Civitatis membris imputetur, ratio dicitur, atque origo & indoles Civitatum diligentius considerata, evincit, indubiumque reddit.

§. V.

Nempe illi, qui in unum corpus, unamque civitatem coaluerunt, (n) voluntates suas unius, vel hominis, vel concilii, voluntati ita submisisse intelliguntur, ut quicquid ille, vel illud, publico nomine fecerit, aut voluerit, pro facto & voluntate omnium haberi debeat. Sine quo pacto nulla civitas concipi, nedum in ipso rerum actu ostendi potest (o).

jam

(n) Hoc quomodo per duplex pactum, unumque decretum, fiat, late docet *Pufendorffius d. Jur. Nat. & Gent. L. 7. c. 2.*

(o) Conf. *Bæcler. Diff. de eo, quod Civ. egit*, ubi contra *Arniseum* disputans ait: *Nihil certius apud Philosophos esse, hac sententia: Quicquid Majestas agit, sive quicquid*

Jam vero ad ea, quæ publico nomine fiunt, vel maxime administratio justitiæ pertinet; circa quam prout versatur is, penes quem summa rei est, & in cujus voluntate omnium voluntates unitæ sunt, ita ab universis civibus communi consensu revera exercerit, quoad civiles effectus omnes, censi debet. Quocirca facile jam corrui ratio contra jus Repressaliarum superius mota, quod secundum Legem Naturæ ex facto aliene nemo teneatur. Limitanda enim hæc regula ex ipsis rectæ rationis principiis, ut non valeat, quando quis in factum a tertio susceptum consensit; siue consensus ille specialis & expressus fuerit, siue quis initio, cum civitas cõderetur, generaliter quoad omnes actiones civitatis publicas eundem declaraverit (p). Ut hinc revera in Jure Repressaliarum non de debito aut facto alieno agatur;

B 3

sed

*quid habentes Majestatem agunt, id a Civitate, atque adeo ab omnibus civibus actum censi debet.*

- (p) Consentit Titius Specim. Juris Publ. L. 3. c. 8. §. 43. ubi ait: *In repressaliis consensum detenti adesse, non quidem colligendum ex ambiguo Jure Gentium Grothano, sed constitutione cujusvis Civitatis.*

sed de tali facto, quod illius, adversus quem illæ exercentur, proprium esse intelligitur.

§. VI.

Displicere hæc Philosophia videtur B. Zieglero, qui in *Tr. d. Jur. Maj. c. 34. §. 32.* ita illam impugnat: *Alii, inquit, justitiam repressaliarum inde deducunt, quod de facto Magistratus teneantur universi cives & subd i, propterea, quod omne jus in Magistratum contulerunt, & sic tacita quadam communis obligatione participant de facto Magistratus, sibi igitur imputare debere populum, qui tales elegerit, & imperio præfecerit, atque ita propter electionem temerariam cum non sine culpa esse; sed hac argumentatio non alias locum invenire potest, nisi tum, quando populus libera electione Regem sibi constituit, Et vero ne tum quidem Regis delicta populo imputari possunt, cum nec eo quidem animo elegerit Regem, ut in Regimine ille male se gereret, quocirca non multum præsidii ex ista ratione petendum est. Enimvero non in Electivo tantum Regno, sed in quavis Civitate illi, qui in unum corpus coaluerunt, id velle censentur, quod publice voluerit is, in quem sum-*  
ma

ma rei collata est. Quod vero *Zieglerus* ait, Regis delicta Populo imputari non posse, cum eo animo non elegerit Regem, ut in Regimine se male gereret, id quidem valet, & aliquod pondus habet, si de reatu in foro divino sermo sit, non si de effectibus in vita Civili, ut circa repressalias contingit, agatur. Subjicit *c. l. Zieglerus*, fortiolem esse rationem istam, quae ex justitia belli gerendi deducatur, repressalias esse quoddam bellum particulare, sed bellum licite inferri, quando Princeps aut Civitas vindicare neglexit, quod a suis improbe factum, aut reddere, quod a suis per injuriam ablatum est; Ergo & repressalias licite & juste decerni, quando Princeps, aut Civitas, vel Resp. aut negligit, aut non curat, vindicare injuriam illatam aut, quod inique ablatum est, restituere. Vbi id recte habet, quod a bello ad repressalias, atque adeo ab eo, quod plus est, ad id, quod minus est, *Zieglerus* colligit; sed nego, aliud hoc, & a priori diversum argumentum esse. Nam pari utique jure contra belli justitiam urgeri posset, illud iniquissimum esse respectu eorum civium, qui  
 nihil

nihil improbe fecerunt (9). Quocirca belli quoque justitia non ex alio fundamento congrue defendi potest, quam ex illo, ad quod repressaliarum æquitatem revocandam esse, docuimus; scilicet consensu originario subditorum, & constitutione cujusvis Civitatis. Quod & ipse *Zieglerus* haud obscure largiri videtur *c. l. §. 2.* quando propter denegatam justitiam bellum ideo licitum esse contendit, quia consentire hac ratione videantur omnes alterius Reip. cives circa factam injuriam.

§. VII.

Atque hoc unicum fundamentum est, ex quo, tanquam genuino fonte, Justitia Repressaliarum fluit. Reliquæ rationes omnes, quæ vulgo adduci solent, nonnisi probabiles sunt, & suasoriæ, quæ solam earum utilitatem gentibus commendent. Quod nempe qui tale incommodum patitur, spe pari modo, occasione ita ferente, jus suum obtinendi, se consolari & sustentare debeat; Quod alias Principibus,

(9) Quippe, semel exorto bello, nulla amplius distinctio fit inter innocentes & reos; sed omnes & singuli ejusdem causæ defensores esse censentur, ut ipse *Zieglerus* edisserit *ad Grot. d. J. B. U. P. l. 3. c. 2. §. 1.*



bus, præsertim illis, qui absoluto in suos imperio gaudent, planissima panderetur via, exteris justitiam denegandi, nec talis injuria aliter, quam bello, vindicari posset; ad hoc vero non aliter, quam si omnia mitiora remedia deficiant, ratione & civili prudentia ita suadente, perveniri debeat; Quod ex duobus malis minus eligi conveniat, & satius sit, unum civem premi, & aliquo incommodo affici quam totam civitatem belli malis involvi.(r)

§. VIII.

Demonstrata Repressaliarum justitia, nunc de illarum usu videndum. Hunc antiquissimum

C

num

- (r) Ad confirmandam Repressaliarum æquitatem hanc rationem addit *Pufendorfus d. Jur. Nat. & Gent. L. 8. c. 6. §. 3.* Quemadmodum, ait, ex conjunctione in corpus Civile factum est, ut, quæ uni inferitur, injuria per extraneos, ea totam Civitatem videatur tangere, ita non iniquum visum, singulos velut in subsidium pro debito Civitatis obligatos esse, cum, quod eo nomine illi erogaverint, a Civitate sua ipsis sit refundendum; Quodsi autem hoc modo unus aut alter civium damnum sentiat, debet id inter illa incommoda referri, quæ Civitates tantum non necessario consequuntur; etsi hæc minimam partem faciant eorum malorum, quæ singulos extra Civitatem mansura erant.

mun esse, & inde a primis temporibus inter Romanos (s) Gallos (t) aliosque populos (u)

(s) Jam temporibus Numæ pompilii repressalias in usu fuisse, propagnat *Gail. d. pignorat. Obs. l. n. 2.* contra *Bartol. Tr. d. Repressal. pr.* Videntur huc *Clarigationes* quodammodo referri posse, quibus utebantur Romani, quum, certis solennibus exhibitis, res suas repeterent, iisdemque non redditis, bellum decernerent. Exemplum privatæ Claritionis commemorat *Livius L. 8. Decad. 1.* Diversa tamen inter Clarigationem & Repressalias ratio est; quod illa magis ad publicam belli denunciationem respiciat, nec in repressaliis exercendis fecialium solennia intervenire soleant; Alii ex Lege Attica originem repressaliarum deducunt; cujus hæc erat sententia: *Si quis, morte per vim illata, obierit, pro eo proximis ac necessariis jus esto homines prebendendi; donec aut pæna sumatur de cade, aut homicida dedantur; licet autem tres tantum homines prebendere, non ultra.* De qua Lege vid. *Gros. c. l. n. 3.* & *Choppin. de Dom. Franc. L. 3. t. 25. n. 2.*

(t) Apud Gallos *jus Marque, le Droit de marque*, a limitibus, qui & Germanico idiomate *Markt* audiunt, appellatur. De quo vid. *Cujac. ad L. un. C. ut nullus ex vicin.* ubi tradit, si Hispanus diripuerit Gallo negotiatori merces, hunc vicissim, permissu Regis, posse pari jure, & quasi ex lege rationis, Hispanum quemlibet, in quem primum inciderit, diripere, Plura de usu repressaliarum inter varios populos tradit *Peschwiz. d. Repressal.*

(u) receptum, dubitandum haud est, omniſque ævi annales ostendunt. (w) Enimvero instituti nostri ratio haud finit, ut exterarum Gentium mores excutiamus, qui id cumprimis agere constituimus, ut, quod a multis negatur, ostendamus, etiam inter Principes & Status in Imperio nostro Rom. Germanico repressalias licite adhiberi posse, atque solere. Cum enim nemo adhuc, quod sciam, hoc argumentum ex instituto pertractaverit, operæ pretium, in eo diligentius explicando, me facturum esse existimo.

§. IX.

Ubi initio supponendum est, quod res ipsa docet, superioritatem Territorialem, qua quisque Princeps Imperii citra controversiam gaudet, Majestatis instar habere (x), atque adeo omnes hujus partes complecti, nisi quatenus illas per Leges *Imperii* fundamentales limitatas esse,

C 2

aperte

(u) Earum speciatim in Italia exercitarum plusculo exempli. refert *Carqin. Tus. L. 6. Concl. Pract. Concl. 193. p. 544.*

(w) Add. *Camden. in Scot. d. 707. Limn. J. P. 2. 8. n. 309. seq.*

(x) Hinc & territoria Principum cum Civitatibus recte comparantur; Civitas enim, ut olim in formula apud Rom. erat, dicitur, quæ in sua potestate est.

aperte constet. Quo cum jus repressaliarum sine dubio pertineat, (y) consequitur, idem illud Principibus Imperii, inter quos Electores maxime eminent, denegari non posse, nisi conventio, qua illud

- (y) Nam a Magistratu absque Principis consensu exerceri haud possunt, cum belli privati quandam speciem habeant, atque ad illius velut præludia pertineant, & fomes, ac incentivum illius sint. Quamvis olim quidem, cum diffidationes adhuc in usum essent, quæ liber civitas Municipalis etiam, repressalias exercere consueverit, ut *Lebmannus in Chron. Spiren.* passim ostendit. Igitur penes quem jus belli est, is solus repressalias decernere valet; quippe qui æstimare debet, an Reip. præsens conditio ferat, per repressaliarum exercitium eandem belli periculo exponi. Quocirca salubri consilio Carolus II. in Gallia hoc jus Præfectis Provinciarum ademptum sibi soli asseruit, *Bodin.* l. 8. de. Rep. c. ult. Quod peculiari Constitutione A. 1485. iura factum esse, testatur *Renat. Choppin. d. Doman. Franc. L. 3. t. 25. n. 1.* Quamvis *Bodin.* quidem c. 1. indigne illud Regibus vindicari, perperam contendat. Falsum etiam illud, quod *Grotius P. 3. c. 2. §. 7. n. 3.* ait, Jure Gentium singulis pignorandi jus esse, &, quod *Gronovius* addit, quempue injuriæ sibi ab alieno Magistratu factæ in ejus subditos ulorem esse posse. Nec vero quod apud Athenienses in *Andro-*  
*ampis* licebat, ex Jure Gentium erat, sed ex singulari Lege Atticæ, ut recte *Zieglerus ad c. 1. Grotii* monet.

illud jus dimiserint, aut Lex aliqua Fundamentalis, quæ id excludat, offendatur; qualem nullam omnino extare, ex iis, quæ deinceps dicemus, liquido patebit. Equidem largimur, repressaliis inter concives & subditos ejusdem Reip. locum haud esse; sed cum ab eorum conditione Principum dignitas atque potestas longissime distet, utrosque eodem modulo æstimare atque metiri velle, hominis esset, in summa rerum Germanicarum & status Reip. nostræ ignoratione versantis. (Z)

§. X.

Plerique omnes Juris, quod vocant, Publici Scriptores, qui remedio huic inter

C 3

- (2) Vnde etiam patet, ad jus Repressaliarum Principibus Imperii vindicandum, opus haud esse, ut ad illud Publicistarum quorundam disterium, *quod tantum illi in suis territoriis possint, quantum Imperator in Imperio*, confugiamus; præsertim cum illud falsum esse, & pleraque jura Majestatis, quæ a Principibus respectu territoriorum suorum citra controversiam libere exercentur, in Rep. Rom. Germanica non penes Imperatorem solum esse, sed simul in Statibus Imp. residere, eosque *αυτοαρχεῖται* locum tenere, nemo cordatus negare audeat.

ter Principes Imperii (aa) locum esse negant (bb), eo imprimis fundamento nituntur, quod in Imperio nostro in promptu sint Judicia, duo nempe summa illius Tribunalia, Judicium

(aa) In externos a Statibus Imperii repressalias, etiam sine consensu atque autoritate Caesaris, exerceri posse, plerique concedunt, vid. *Schöbder. Instr. Jur. Publ. P. spec. 2. 14. 10. Myler. c. 56. n. 5. seq.* De repressaliis contra Gallæ Regem in Imperio exercendis, Rescriptum Friderici I. Imper. habetur apud *Goldastum Tom. 1. Const. Imp. p. 282.* eorumque exemplum adducit *Petrus de Vineis L. 5. Epist. 48.* Quod vero *Hertius d. Super. Territ. 4. 33.* objicit, nec inter foederatos Belgas, nec Helvetios Cantones repressalias in usu esse, nec ad rem aliquid facit, & forte ex peculiari aliarum Rerump. foedere atque conventionem pender; cujusmodi nihil in imperio ostendi potest. Nec in eo aliquid momenti inest, quod *Idem c. l.* addit, *prudentes quoad Exteros suadere, Caesaris judicium prius requirendum esse; cum id non ad juris, sed prudentiæ, caput pertineat.*

(bb) In horum numero plerique sunt, sigillatim *Hulderic. ab Eyben Diss. d. Orig. reg. Principes tantum posse in territ. in fin. p. 786. Gail. d. pignor. c. 2. n. 3. Sixtin. d. Regal. L. 2. c. 2. n. 35. Mutz. Repræs. Maj. Imper. P. 2. c. 26. §. 11. n. 122. p. 796. Schüz. Colleg. Publ. Vol. II. Ex. 5. §. 2. ibique Scharfschmid. Mücub.*

cium Cæsaris Aulicum, & Camera Imperialis, ubi quisque de iustitia sibi denegata conqueri, & vel literas promotoriales, ut ajunt, vel mandata sine clausula (cc), impetrare queat. Remedium vero extraordinarium dicunt cessare, quando ordinaria juris remedia suppetant, quibus ad jus suum consequendum uti liceat (dd). At enim vero sicuti Germaniæ Principes, qui peculiari exemptione aut Privilegio non gaudent, suas lubditorumque suorum causas coram Augustis illis Tribunalibus ordinatim & regulariter disceptari, merito & æquo animo patiuntur, ita non apparet, cur illis admissis, constitutu-

*Münchmeyer. Jur. Publ. L. 1. c. 6. §. 25. Einsiedel. d. Regat. L. 2. c. 1. n. 30. seq. Schweder. Introd. ad Jus Publ. Part. Spec. Sect. 2. c. 14. §. 10. Bechmann. ad A. B. Ex. VI. verb. Denegata fuerit iustitia, Limn. Jur. Publ. IV. 8. n. 315. Simon ad Grot. Differt. 20. n. 4. Ziegler. d. Jur. Maj. Bartolus Tr. de Repress. q. 3. n. 4.*

(cc) De causis, ubi hujusmodi mandata decerni debeant, vid. *Ord. Cam. P. 2. c. 23.*

(dd) Hinc *Vffenbach. Tr. d. Conf. Caf. Aul. c. 10. p. 96.* inter causas, utrique judicio, Aulico & Camerali, communes refert causas pignorationum, & simul formulam libelli supplicis, quo tali casu uti liceat, subjicit; Nec *Perillusius Dn. a Lyncker in Tr. quem Libert.*

stitutisque, remedium hoc, jus suum extra ordinem persequendi, statim & omnino cessare debeat. Nam regula, quod remedium extraordinarium tamdiu non competat, quamdiu ordinarij datur, non Juris naturalis & Gentium est, sed ex mero Jure Civili (cc). Spectata enim simplicitate Juris Naturalis, nihil vetat, eo casu, ubi duo remedia concurrunt, seposito tantisper neglectoque ordinario, illud eligi, quod extra ordinem competit; prout quisque alterum præ altero præsentis rerum suarum conditioni magis convenire judicaverit. Nec qui ordinarium qui & novum remedium admittit, idemque introduci patitur, & consentit, reliquis remediis, quæ proprio Jure, & vi Majestatis, vel superioritatis, antea habebat, aliter renunciassè videri potest quam si super eo voluntatem suam expresse declaraverit. Atqui a Principibus Imperii hujusmodi declarationem, quod post ordinata suprema Judicia jus Repressaliarum inter ipsos omnib-

*bert. Stat. Imp.* inscripsit, inter Principum Imperii jura hujus, quod in exercendis repressaliis versatur, mentionem injicit; quamvis nec inter ea, quæ perperam ejus libertatis esse dicantur, idem commemoret.

(cc) Vid. *L. 16. ff. d. Minor.*



omnino sublatum esse debeat, unquam factam esse, ostendi nequit.

§. XI.

Quid enim, si administratio Justitiæ lente procedat, quid, si administrarii potentia, & resistendi vires eandem impedian, eundemque omnia Mandata contemnturum & insuper habiturum esse, conditio temporum, aliæque circumstantiæ dubitare non sinant? Quid, si executio contra ipsum, retenta ordinaria juris via, non solum difficilis, & periculi plena, sed moraliter etiam impossibilis videatur? Quid si denique alter non tantum Imperii Princeps sit, sed simul externum regnum validissimis viribus subnixum teneat, & Imperium bello jam implicitum sit, ut intempestivo juris rigore novis turbis idem involvi, prudentiæ Civilis regulæ haudquaquam permittant? Quis credat, aut præsumat, eam Statuum Imperii sententiam fuisse, ut post constituta, quæ jus ordinarie reddunt, Judicia, ne tali quidem casu, exercendo repressalias, jus suum, propria autoritate, vi superioritatis territorialis, qua polent, persequi cuperent? Quæ de re *Perillustris Autor Ecclæ. Europ. P. 1. pag. 28.* gravissime hunc

D

in

in modum edifferit: Aus diesen und dergleichen  
erscheinet, daß diejenige Publicisten, welche de-  
nen Ständen des H. Reichs Teutscher Nation  
dieses Recht nicht deshalb gestatten wollen,  
weil die hohen Reichs-Gerichte jedem Stande  
nach Maße der Cammer-Gerichts-Ordnung  
offen stünden, der Sache nicht gnugsamen Rath  
schaffen. Ja, wenn die Reichs-Justiz nicht  
unsterbliche Prozesse hätte, und nach denen  
heilsamen Rechten verfahren würde, so wäre  
es unbillig, in eigener Sache Richter zu seyn;  
Weil es aber daran ermangelt, so kommt es  
auf die Freiheit souverainer Chur- und Fürsten  
an, sich durch kürzere Wege zu helfen. Nam  
quare inter ejusdem Reip. subditos repressaliis  
locus non datur, ratio in promptu est, quia refrac-  
tarius & contumax ad officium faciendum per  
vim majorem facile compelli, & in ordinem re-  
digi potest, quod in Principibus imperii, illis  
præsertim, qui vel regno insuper potiuntur, vel  
saltem opum & virium magnitudine Reges æ-  
quant, secus habere, quisque, vel me tacente,  
videt, atque intelligit.

## §. XII.

§. XII.

Ostendimus, posse Principem Imperii, si velit, virtute superioritatis Territoriales, jure Repressaliarum adversus Constatum uti, nunc, quod actu etiam exercita ab illis sint, strictim videbimus. Consuetudinis hujus gravissimus testis est *Lehmannus, qui in Chron. Spir. L. 5. c. 98.* ex Annalibus Steronis ad A. 1277. refert, *in partibus Alemannia consuetudinem inolevisse de pignorationibus, in quibus alius pro alio, sive innocens pro nocente, praegravatur; Idem c. l. articulum ex Statuto Spirensi excitat, A. 1263. condito, qui hunc in modum conceptus legitur: Wenn ein Bürger auffer der Stadt in die Nachbarschaft, oder weiter gelegene Orth, um eines andern seines Mit-Bürgers willen, um Sachen, wie die Nahmen haben mögen, arrestirt und angehalten worden, und seinen Arrest dem Burgemeister zu wissen gemacht, so soll der Burgemeister bey Straff beym ersten punct, dem Bürger, um desswillen der andere aufferhalb verhindert, und aufgehalten worden, befehlen, denselben seinen Mit-Bürger innerhalb acht Tagen ledig zu machen, und solchen Befelch soll der Bürger gehorsamlich nachsetzen, bey ewigem Verlust seines*

nes Bürger-Rechts, und Abtrag des Schadens, so dem andern durch sein Verschulden begegnet. Ubi deinceps hæc verba subjicit: Dieser punct giebt Nachrichtung von dem allgemeinen Brauch am Rhein-Strohm; Wann einer in Städten und Flecken an andern Orthen mißhandelt, gefrevelt, oder sonst schuldhaft worden, und man dessen nicht mächtig seyn können, und ein ander an denselben Orth kommen, daß man sich an demselben erhohle, und der Unschuldige büßen und abstaten müsse, was ein ander verschuldet. (f)

§. XIII.

Eundem repressaliarum in Imperio; usum ostendit atque confirmat celebratissima *Constitutio Imp. Friderici Barbarossæ*, quæ privilegia Studiosorum tratit, in *Auth. Habita C. Ne fil. pro patre*; ubi nonnisi abusus consuetudinis, & quod repressaliæ contra scholares etiam admittæ fuerint, improbatur; in cæteris illa eundem usum haud obscure confirmat. Quo etiam textus Juris Canonici facit, nempe Decreta-

(f) Videntur autem in Germania repressaliæ inprimis in usu fuisse a temporibus interregni illius magni, quod Friderici II. morton excepit.

cretalis Gregorii X. qui centum circiter annis post Fridericum I. vixit, in *cap. un. d. injur. & damn. dat. in 6.* ubi tantum clericia repressaliis eximuntur, sed quoad laicorum bona nihil earum usui & exercitio ibi detrahitur, utut pontifex illas ibidem improbet (gg). Recentius exemplum repressaliarum, etiam incausa religionis, ab Electore Brandenburgico contra Ducem Neoburgicum exercitarum suppeditat *Pufendorff. in Hist. Brandenb. L. 3. §. 25.* cujus verba hic recitari merentur: *Neoburgicus, inquit, insuper habitis, cum Electore conventis, Evangelicos per Juliacensem & Bergensem provinciam habitantes, gravibus oneribus opprimebat, ne concionatoribus quidem, adibusque sacris parcens. Quorum tutelam cum negligere non posset Elector, nec tamen in in promptu esset remedium, citra turbas id malum corrigendi, adhibita talione ad aliam mentem permovere istum instituit. Quo sine & ipse paria onera Pontificiis per suam ditionem imperat, facile id factum Casari & Ordinibus adprobaturus, quod Neoburgici iniquitas ad ista confugere subegisset, statim cessatura, ubi hic injuste imperata revoca-*

D 3

verit.

(gg) Vid. tamen *Rittersbusf. ad Nov. II. P. 3. c. 7.*

*verit.* Qui & deinceps hoc repressaliarum jus cantra Cæsarem strenue defendit. Quid ultro citroque actum, & quæ in utramque partem argumenta allata sint, *Idem c. l.* exponit. Add. de recepto inter Germanos Repressaliarum usu *Frider. Mindan. d. Proc. Execut. L. 1. c. 49. membr. 5. (bb)*

## §. XIV.

Sed jam progrediamur ad ea, quæ contra Repressaliarum inter Germanos usum communiter a Juris Publici Doctoribus moveri solent, diluenda. Ubi primo occurrit *Rhetius*, qui in *Jur. Publ. L. 2. tit. 10. §. 1.* jus repressaliarum in Germania inter Status Imperii ideo prohibitum esse, contendit, quoniam convenerint  
inter

(bb) Adjicio *Art. 8. Capitul. Leopoldin e ac Josephinæ*, nec non *Art. 27. novissimæ Capit. Imperatoris*, qui felicissimis auspiciis rebus Germaniæ hodie præest, *Carol. VI.* ubi repressalias justas, debitoque modo exercitas non improbari, apparet. Nec obstat, *Art. 16. cit. Cap. noviss. verb. Kein Stand den andern mit repressalien etc.* Nam locum hunc de illis tantum repressaliis intelligendum esse, quæ, lite coram summis tribunalibus pendente, fiunt, luculenter indicant verba ibi adiecta: in *Rechts, bängigen Sachen*, und unter wärender litis-pendenz.

inter se, Imperator & Status, se abstinere velle ab omni via facti, & controversias legitimo & recepto modo esse terminaturos. Atenimvero in superioribus ostensum est, alterum ex altero minus consequi; nec, modo ordinario lites & controversias dirimendi introducto, sublatum fuisse extraordinarium juris sui persequendi remedium, quod cum Majestate, ejusque aemula, Superioritate Territoriali, cohæret, nec ab ea aliter, nisi per consensum liquido declaratum, quali hoc casu deficit, divelli potest. Quod vero *idem c. l.* subjicit, de Statibus Imperii hoc axioma invaluisse, ut, qua bellum inter eos licitum est, ea quoque ratione repressalias admitti, fas sit, id quidem affirmative valet, sed negative non omnino procedit, nec usquequaque verum est. Non enim ob justitiam in qualicunque causa denegatam, statim arma adversus lædentem expedire, eundemque bello adoriri in Imperio licet, sed quitali casu repressaliæ semper adhiberi queant, nulla idonea dubitandi causa est. (ii)

§. XV.

(ii) Idem discrimen hand obscure indicat *Titius in Jur. Publ. c. 8. §. 49.* Sed & ipse *Rhetius c. l. l. 3. t. 2. §. 8.* admittit obligationem inter Status Imp. ad repressalias,

§. XV.

Sequitur, ut Leges Imperii, ad quas provocare solent illi, qui inter Status Imperii reprefaliis locum esse negant, previter excutiamus; Primo *Rec. Imp. d. A. 1641. §. Nachdem auch die Stände n. 94.* excitatur, qui tamen, cum nonnisi de abusu Bullæ Brabantinæ (*kk*) agat, parum,

salias, quatenus nempe nemini alii, quam obliganti, præjudicium inde oriri possit.

(*kk*) Hæc bulla continet privilegium, a Carolo IV. Johanni, Duci Lotharingæ, Brabantia & Limburgiæ A. 1349. concessum, vi cujus subditi Brabantini a jurisdictione Imperii eximuntur. Add. *Lehmann. Chron. Spir. L. 7. c. 13. in fin.* Sed Duces Arabantini, eo privilegio abusi, pati nolebant, ut eorum subditi ob contractum, vel delictum, aut rem firam, alibi convenirentur, Status etiam, eorumque subditos in Brabantia bona possidentes, actio licet mere personalis esset, ad se evocabant. De quo subinde Status Imperii querelas moverunt, vid. *Herdew. Grund. Besse P. 3 c. 3. a. 6. p. 194.* Tenorem illius Bullæ, præter *Limnaum J. P. c. 2. n. 20.* Subjecta commentatione, recitat *Thulemar. Collect. ad Bull. Brabant.* quæ in *Tr. d. Bull.* sub *N. VI.* exhibetur.



parum, vel potius omnino nihil ad rem facit.  
 (U) Firmius contra Repressalias argumentum  
 desumi videtur posse ex *Ordin. Camer. P. 2. t. 22.*  
 Ita enim ibi cautum est: **Sehen und ordnen wir,**  
**daß hinführo in solchem Fall, da einer, der**  
**dem Reich ohne Mittel unterworfen, durch**  
**sich selbst, oder die Seinen, einen andern, der dem**  
**Reich gleichergestalt unterworfen, oder die Sei-**  
**nenpfänden oder fahen würde, warum, oder um**  
**was Sachen willen, (allein die Malefiz-Sachen**  
**ausgenommen) das beschehe, daß alsdenn auf An-**  
**ruffen desjenigen, der oder des Unterthanen also**  
**gepfändet oder gefangen, dem Thäter durch das**  
**Kaiserliche Cammer-Gericht bey Einer, nahm-**  
**hafften pœn, und sine clausula justificatoria,**  
**mandirt und gebothen werden soll, ohn Ver-**  
**zug, auch einige einrede, die Pfändung wieder-**  
**zugeben x. At enim vero totus contextus cit.**  
**tit. satis indicat, sermonem ibi tantum esse de**  
**injustis & contra fas susceptis pignorationibus,**  
**tantumque abest, ut repressaliae eo, quo par**  
**est, modo, exercitae, eo loco prohibeantur,**  
**ut potius memoratus textus haud obscure eas**

E

appro-

(U) Satis hoc confirmant Recessus illius verba, quæ nihil  
 minus, quam repressaliarum prohibitionem, continent.

approbet atque confirmet. Quo pertinent verba sequentia, quae ibi circa finem habentur: Und im Fall da sich erfinde, daß der klagende Theil seiner Klage nicht Zug und Recht hätte, und das fahen oder pfänden von dem Beklagten billig geschehen wäre, so sollen ihm die Pfändung oder Gefangene &c. Inprimis urgeri solet *Rec. Imp. d. A. 1570. §. 84.* ubi arresta, & repressaliæ generaliter prohibitæ dicuntur; Verb. Wenn auch die Arresta, wie die Repressalien generaliter in Rechten verbotthen. In quo textu omnes, qui dissentiunt, præcipuum opinionis suæ fundamentum collocare videas. Enimvero manifestum est, verba hoc loco de repressaliis concepta, tantum relativa esse, non autem novam prohibitionem complecti. Cum igitur nec alibi in LL. Imperii hujusmodi prohibitio inveniatur, liquet, illa ad Jus Commune privatum referri, adeoque de repressaliis illicitis & citra Superioris auctoritatem atque consensum susceptis, explicari debere.

§. XVI.

Præterea frustra objicitur, quod per *Constitutionem Pacis Publ. (mm)* bella privata sublata

sint

(mm) Per hanc A. 1494: pax publica perpetua, auspiciis maximiliani I. Imperatoris, sancita est; Quæ  
dein,

sint omnia. Quamvis enim ibi diffidationes, & violentæ oppressiones ac spolia, interdicta sint, non tamen hoc ipso statim Principibus jus repressaliarum, cujus æquitatem & justitiam satis ostendimus, ademptum est. Nec vero ab aliis Rebusp. ad nostram argumentari licet. Ubi enim omnium civium voluntates ac vires in uno, vel homine, vel Concilio, ita unitæ sunt, ut quisque facile intra officii sui limites contineri possit, nemoque vires suas cum illius, vel hominis, vel Concilii, potentia comparare audeat, iniquissimum sane fuerit, tam violentum remedium introduci, aut admitti. Sed cum nostræ Reip. Romano-Germanicæ ea facies atque structura sit, ut sæpenumero temporum conditio spem, promptam justitiæ administrationem obtinendi, excludat, Principibus Imperii vitio verti nequit, si brevissimam viam eligant, & per repressalias Constatum ad jus, sibi, subditisque suis, reddendum excitent.

## §. XVII.

Solet etiam contra Repressaliarum inter Principes Imperii usum excitari *Instrum. Pac.*

E 2

art.

deinceps subinde, in variis Comitibus, incrementum cepit, eademque per Capitulationes perpetuo confirmata est. Add. *Horn. Jur. Publ. cap. 8.*

art. 9. ubi hæc verba leguntur: *Et quia publice interest, ut, facta pace, commercia vicissim reflorescant, ideo conventum est, ut, quæ eorum præjudico & contra utilitatem publicam hinc inde per Imperium, belli occasione, noviter propria auctoritate contra jura, privilegia, & sine consensu Imperatoris, atque Electorum Imperii invec̃ta sunt vectigalia & telonia, ut & abusus Bullæ Brabantinæ indeque nata repressalia & arresta, &c. penitus tollantur.* At enim obscurum esse nequit ei, qui vel obiter hunc locum intuetur, non de quibusvis repressaliis in genere ibi agi, sed itidem de illicitis illis, quæ defendendo Bullæ Brabantinæ abusu exercabantur, quas penitus tollendas esse, subinde monuerunt Status. (nn)

§. XIIX.

Vidimus, Principes Imp. potestatem Repressalias decernendi habere, nunc quænam causæ ad eas exercendas sufficiant, breviter subjiciemus. Vbi in aprico est, ante omnia liquidum esse debere illius jus, qui se ab aliena Rep. læsum esse dicit. Neque vero hoc ad modum privatorum judiciorum æstimari oportet, ubi jus petitoris non prius liquidum esse cen-

setur

(nn) Conf. Jacob. Otto Annot. ad Instr. Pac. Westphal. c. art. 7. lit. c. Obrecht. Expos. Instr. P. c. 8.

fetur, quam altera parte citata, & fufficienter audita; Cum enim hoc casu citatio fieri haud possit, satis erit, a læso jus suum ita Principi exponi, ut ipsi de illo evidenter constet; & is simul æstimare queat, an damnum illatum tanti sit, ut, id per repressalias vindicari, operæ pretium videatur. Nam si læsio valde modica sit, non committet facile Princeps, ut, violento hujusmodi remedio adhibito, salus publica in discrimen vocetur. Neque vero, quod *Zieglerus c. 4.* putat, talis læsio requiritur, quæ in publicum detrimentum vergat; sed satis est, privato gravem læsionem illatam esse, qua, alia imtiori via, reparari non possit.

§. XIX.

Deinde certum exploratumque esse debet, justitiam ab aliena Civitate denegatam esse. Ante enim, quam repressaliis locus relinquatur, tribunalia alienæ Reip. diligenter implorari convenit, nihilque læsus omittere debet eorum, quæ ad rem suam recuperandam facere videantur. Quamdiu enim facultas datur, jus & rem suam pro tribunali consequendi, regulæ prudentiæ & æquitatis volunt, nihil gravius cerni oportere. Sed si appareat, surdas exteri

Judicis aures esse, eundemque in administranda justitia non solum morasnectere, sed etiam id aperte agere, ut læsus ne audiri quidem, nedum corrigi læsio, & jus ipsi reddi debeat, recursus etiam ad Principem, vel præclusus, vel sæpius frustra tentatus fuerit, tum vero citra ullam iniquitatis notam ad Repressalias confugere licebit<sup>(oo)</sup>. Caterum haud sufficit, denegationem justitiæ simpliciter a cive allegari, seg & eandem probari oportet; non tamen præcise per testes, aut documenta, sed & aliunde excircumstantiis, quæ Principem, de veritate asserti, dubitare non sinant.

#### §. XX.

Concedi queunt Repressaliæ omnibus Civibus, sive sint originarii, sive assumpti, aut cooptati, quibus proinde etiam contra civitatem

Ori-

(oo) Quo pertinet, quod Cicero *L. 3. d. Offic.* ait: *Cum sint duo genera decernendi, unum per disceptationem, alterum per vim, confugiendum est ad posterius, si non liceat uti superiore.* Add. Responsum Hispaniarum Regi ab Electore Brandenburgico datum, quum A. 1680. repressaliis adversus eundem usus esset, *Pufendorff. Hist. Brandenb. L. 18. §. 11.* Illud vero necessarium haud est, ut præcise ter petiitum, denegarumque sit jus, prius, quam repressaliis locus derur, qualem legem apud Bearnienfes extare, *Choppin. d. Doman. Franc. l. 3. t. 25. n. 4.* memorat.

§. XX.

Originis succurritur. *Add. Bart. d. Repressal. q. 5.*  
Imo & incolis illæ denegari haud debent; inter  
quos & Cives quænam differentia sit, passim do-  
cent *Id. ad tit. ff. ad Municip. & tit. C. d. Incol.*  
Nec aliud de Judæis dicendum, quatenus in  
aliquo territorio tolerantur, ibidemque Prin-  
cipis permissu, sedem suarum fortunarum fixe-  
runt. Sed ut peregrinorum causa, qui ad tempus  
in Civitate morantur, belli Periculo se exponat  
Princeps, nemo prudens facile eidem suaserit;  
quamvis illi tantisper defensione Civitatis ordi-  
naria, ex Principis benignitate, fruantur.

§. XXL

Succedit objectum, circa quod repressaliæ  
versantur. Constituunt illud & personæ, & res  
civium illius Reip. quæ justitiam impertiri de-  
trectat. De personis multi dubitant, (pp) an  
propter alienum debitum capi, & tantisper, do-  
nec justitia rite administrata fuerit, detineri pos-  
sint? Quam litem ita componere instituit Zieg-  
lerus d. I. M. L. 1. c. 37. §. 17. ut putet, interesse;  
qua ex causa repressaliæ petantur; Quod si enim  
nostri

(pp) Negat sigillatimra Encisc Duarennus ad tit. ne fil. pro patr.  
*Add. Petr. Heig. L. 1. q. 12. n. 63.*

nostri homines apud repressaliatos, ut loquitur, detineantur, capi & detineri posse etiam eorum cives, apud nos inventos; quia hoc re-torsionis jus sit, ut quandam talionem inferat, & per eam cogat repressaliatum, ut a tacto suo desistat; Quodsi autem nulli nostri cives, sed bona tantum eorum ab repressaliatis apprehensa fuerint, & circa sola ea iniquitas contineatur, repressalias ad homines usque extendi non debere, sed potius in bonis eorum subsistendum esse. At enim vero sicuti prior, quem *Zieglerus* præstruit, casus, dubio caret, ita solida ratio, cur in altero casu repressaliæ in personas exerceri non debeant, reddi nequit. Sit enim, licet, inæstimabilis res libertas, eique loco cedant omnia, non tamen inde consequitur, propter justitiam circa bona nostra ab aliena Civitate denegatam personas ejus detineri haud posse; nisi simul omnia prope bella, quippe quæ plerumque ob res & bona geruntur, injusta & illicita dicere velimus. Sane cum citra res vita nostra servari nequeat, hanc quoque per consequentiam petere & impugnare intelligitur, qui illis nos exuit & spoliatur. Et sicuti fas est, propter debitum aliquando personam debitoris persequi,



qui, eamque carceri mancipare, cur non pari jure civem illius Reip. quæ in justitia circa res nostras administranda officium suum non facit, detinere liceat, cum hoc utique, quoad civiles effectus, omnium subditorum factum esse intelligatur, ut supra demonstravimus. Frustra objicitur, quod nulla sit proportio inter personas & bona; Illa enim, quæ hanc prærequirit, hypothesis, dudum explosa est; quæ si ita crude reciperetur, nec fures de patibulo suspendi, nec invasores violenti rerum, & raptores, per extrema jure coerceri possent. (99)

F

§. XXII.

(99) Vid. Pufendorff. d. 7. N. G. G. L. 2. c. 5. §. 16. ubi de violenta rerum defensione ex instituto agit; Præterea hujusmodi temporaria retentio a libertatis ademptionemagnopere differt; Hæccum servitutem inducat, odiosa est, nec, nisi extremo necessitatis casu, permittenda; illa vero statum libertatis non tollit, utur hujus effectus tantisper, donec civis noster suum consequatur, suspendat. Quocirca mulierum etiam & infantum personæ secundum Jus Gentium non excipiuntur, sed tantum Civili quorundam Populorum in Jure Gros. c. 4. §. 7. n. 3. Quod & de illis, qui literis operam dant, eorumque rebus, retinendum est. Sed circa Legatorum personas, & bona, usu & consuetudine Gentium aliud observari solet; Quod tamen limitat c. 4. Grotius, modo non ad hostes nostros missi fuerint.

## §. XXII.

Transimus ad bona, in quæ repressalias exerceri posse, dubium non est. Vbi valde incertum est, quærere, *an & contra Rectorum Civitatis bona repressalia locum inveniant?* quod faciunt Doctores quidam. Cum enim hi denegando justitiam immediate civem alienum læserint, eorum bona vel maxime repressaliis obnoxia esse debere, dubitari haud potest. Nam & violentum hoc remedium necessitas propterea expressit, *quod bona Imperantium saepe non tam facile possint in manus venire*, ut loquitur *Grotius c. l. §. 2.* Quocirca eorum omnium, qui in ea Civitate, quæ civem nostrum læsit, existunt, bona huc pertinent, modo ex causa permanente ibi sint, non transeundi, aut exiguæ more causa. *Idem c. l. §. 7. n. 2.* ubi hanc rationem adjicit, quod introductæ sint pignorationes ad exemplum onerum, quæ pro exsolvendis debitis publicis indicuntur, quorum immunes sint, qui tantum pro tempore loci legibus subsint. Hoc præterea manifestum, ordinatim & regulariter repressalias tantum ad bona mobilia pertinere; Nam quomodo illæ in res immobiles, in territorio Civitatis, quæ læsionem intulit, constitutas, exerceri queant, nulla ratio facile, aut via, quæ non publicam in-

valiq.

vasionem & bellum involat, excogitari potest. Secus fuerit, si forte quis ex civibus Reip. quæ læsionem intulit, in nostra civitate bona immobilia habeat, tunc enim utique in illa repressalia exerceri possunt.

§. XXIII.

Circumodum, quem in repressaliis teneri, par est, observandum, proportionem semper, quantum fieri potest, servandam esse inter bona, quæ nobis propter justitiam denegata ab sunt, & illa, quæ per repressalias apprehensa a nobis detinentur (rr). Finis enim repressaliarum est, ut, quod nostrum est, aut nobis debetur, consequamur, & damnum datum reparetur. Ut qui ad hunc obtinendum sufficit, bona per repressalias extero civi erepta tanti esse, quantus est valor eorum, quibus injuria privati sumus. Ex qua eadem æquitatis ratione illud etiam consequitur, si post exercitas repressalias satisfactio nulla sequatur, eoque res tentæ læso adjudicandæ veniant, residuum Dominis restituendum esse (ss): Illud vero non interest, executio repressaliarum per eum fiat,

F 2

qui

(rr) Quomodo in hac causa convenient repressaliæ & bellum, ostendit Ziegler. d. Jur. Maj. L. 1. c. 34. §. 18.

(ss) Vid. Grot. d. J. B. & P. L. 3. c. 2. §. 7. n. 3. ubi in Annotat. exemplum adjicit de Veneris, eosdemque ea æquitate usos fuisse, commemorat.

qui læsus est, easdemque petiit, an per Officiales, & Magistratus, si modo jussus & autoritas Principis accedat; quamvis posthæc magis consultum esse, ne læsus affectui suo & vindictæ studio indulgens modum excedat, recte mo-  
 neat *Zieglerus c. l. §. 23.*

§. XXIV.

Quid vero, si externæ Reip. Civis respectu eorum bonorum, quæ in læsi civitate possidet, simul Principis illius vasallus sit, an tunc quoad illa bona repressaliis locus erit? Affirmativa sententia potior videtur. Duplex enim vasallagium efficit, ut in tali Cive repressaliarum finis perinde, ac in alio, obtineri, & aliena Resp. ad justitiam administrandam sic excitari queat. Cumque denegatio justitiæ, ut in superioribus ostensum est, in statu Civili omnibus Reip. membris æque imputetur, ac si expresso & speciali consensu ad eam concurrissent, eo minus ægre ferre debet, bona sua in alieno territorio sita tantisper, donec læso damnum refarciantur, occupari, quo arctiori vinculo & ipse illius Domino obstrictus est; cui proinde de facto alterius Civitatis, quod ipsius proprium esse intelligitur, merito respondere tenetur. Inepti sunt illi

illi, qui volunt, respiciendum esse, in utra Civitate quis frequentius versetur; vid. *Jo. Jac. a Canibus Tr. d. Repressal. n. 34 seq* cum id nihil omnino ad rem facere manifestum sit; Imo posse aliquando Principem in subditos suos, qui nullo alio vinculo, nisi sola religionis communi-  
one, cum extero Principe connectuntur, repressalias exercere, si forte durius ille subditos diversa sacra professos habuerit, ex eo, quod ex Historia Brandenburgica supra retuli, exemplo patet. *Pufend Histor. Brand. L. 3. §. 25.*

§. XXV.

In quo finis Repressaliarum consistat, ex iis, quæ dicta sunt, luculenter patet, ut nempe aliena Civitas, quæ justitiam denegavit, & damnum intulit, ad illam administrandam, & hoc reparandum, adigatur; Quod si illa, ut par est, fecerit, relaxandum est sequestrum, & dimittenda bona, quæ hætenus occupata atque detenta sunt. Vnde consequitur, illa interim recte custodiri, & ne detrimentum capiant, operam dari debere, ut si forte illa repetantur, ædemque reddi oporteat, restitutio in eadem bonitate, uti par est, fieri Possit. Sin autem externa Civitas, nulla Repressaliarum ratione ha-

bita, justitiæ administrationem denegare per-  
 gat, eoque omnis spes juris sui consequendi  
 decollaverit, tandem bona per repressalias oc-  
 cupata læso adjudicari debent, ut ex illis eidem  
 satis fiat, (11) residuo, ut dictum, Domino ex  
 naturali æquitate restituendo. Quocirca me-  
 rito hoc loco notari meretur *H. Grotius* qui c.  
 6. §. 7. n. 3. asserit, Jure Gentium ipso facto do-  
 minum rerum captarum acquiri ad summam de-  
 biti, & sumtum. Cum enim repressaliæ hoc  
 fine receptæ sint, ut, quod nobis debetur, per  
 indirectum, & quasdam velut ambages, obtine-  
 amus, adjudicatio dominii locum habere non  
 videtur, quoad spes superest, fore, ut aliena  
 civitas, hoc remedio excitata, litem, justa sen-  
 tentia lata, tandem componat. (111)

§. XXVI.

Is, qui damnum per repressalias pas-  
 sus est, sine dubio illius reparationem a Civi-  
 tate

(11) Quamvis enim sic læsus non consequatur, id, quod  
 in obligatione est, eidem tamen per æquipollens satis-  
 fieri intelligitur; præsertim cum ipse ad Repressalio-  
 rum auxilium provocaverit. *Ziegler. d. J. M. L. i. c. 34. §. 26.*

(111) Equidem in bello res hostiles captæ, statim acqui-  
 rentibus cedunt; sed repressaliarum aliam rationem  
 esse, ex illarum fine liquido apparet.